

光讚般若波羅蜜經

卷十

六十八  
淡二



47457



元祿九年丙子二月日重脩

皇圖瓊圃 帝階綴昌

佛日增輝 懋容輪常轉

山城州天安寺法金剛院置



光讚般若波羅蜜經卷第十

淡

西晉三藏法師竺法護譯

光讚般若波羅蜜所因出行品第十九

佛告須菩提如汝所問何從出行中何從  
行中誰為成行者從三界生住處若若有本  
無生無用當生所以者何其摩訶衍薩芸若  
慧於此二事法無所合亦無所散無色無見  
無所取捨則為一相則無有相所以者何其  
無相法無所出生法有生者則為欲令法界



Vertical text in the right margin, including the characters '法華' (Fahua) and '經' (Sutra).

出生其無相法有所生者則為欲令本無出生其無相法則無所生欲令生者則為欲令真本際生其有欲令無相生者則為欲令不可思議法界出生其有欲令無相法生則為欲令專精修行而出生其有欲令無相法生則便欲令斷界出生取要言之須菩提則為欲令離欲界生其有欲令無相法生者則為欲令滅度界生須菩提彼為欲令寂然空無而出生矣其有欲令色痛痒思想生死識無相法生者則為欲令有相法生所以者何色則為空從三界生住薩芸若痛痒思想生死識亦無有空從三界生薩芸若者則無所住

所以者何若解色者色則爲空解痛痒思想  
生死識者識則爲空眼耳鼻舌身心亦空欲  
今生者則爲欲今虛空出生眼色識耳聲識  
鼻香識口味識身更識意欲識此十八種因  
緣所見則爲空無欲今生者則爲欲今無相  
法生所以者何須菩提眼之所視悉皆爲空

耳鼻舌身意亦如是習皆空須菩提三界爲  
空眼所視空從三界生薩芸若者則無所住  
六情亦空因三界生薩芸若者則無所住六  
情所受所習皆空無有相欲今生者則爲欲  
今夢幻出生所以者何夢幻水月芭蕉野馬  
深山之響皆悉自然自然之事如來之化三

界自然則無所生薩芸若者則無所住所以  
者何須菩提如夢自然夢自然者悉無所有  
幻化之事亦復如是須菩提其欲令檀波羅  
蜜有尸波羅蜜羸波羅蜜惟逮波羅蜜禪波  
羅蜜般若波羅蜜生者則為欲令無相法生  
所以者何須菩提六波羅蜜者悉皆自然從  
淡十卷  
三界生薩芸若者亦無所住所以者何須菩  
提六波羅蜜者則為自然其自然者故曰為  
空其有欲令無相法生者則為欲令內空外  
空有空無空近空遠空真空出生所以者何  
須菩提其七空者則為自然以自然故因三  
界生薩芸若者則無所住所以者何須菩提

用七空自然故名曰爲空故空爲空須菩提  
其有欲今無相法生者則爲欲今四意止四  
意斷四神足念五根五力七覺八道行生所  
以者何皆自然空因三界生薩芸若者則無  
所住須菩提其有欲今三十七品出生者則  
爲欲今無相法生所以者何須菩提三十七  
品則爲自然不生三界薩芸若者則無所住  
所以者何三十七品自然空空故曰空須菩  
提其有欲今十力四無畏十八不共諸佛之法  
四分別辯悉自然空空故曰空須陀洹斯陀  
含阿那含阿羅漢辟支佛上至怛薩阿竭阿  
羅訶三耶三佛生者則爲欲今無相法生所

以者何須菩提其三乘者亦復自然不出三  
界薩芸若者則無所住所以者何須菩提阿  
羅漢者則為自然故為空辟支佛者則為  
自然自然故空故曰為空但薩阿竭則為自  
然自然空故故曰為空須菩提其有欲今名  
号主者則為欲今無相十卷法生空無相無願亦  
復如是其欲今因緣言辭生者則為欲今無  
相法生所以者何須菩提其名号空不生三  
界薩芸若者則無所住所以者何名号則空  
用名号空故曰為空因緣言辭諸可處所悉  
皆為空諸法處空故曰為空其有欲今無所  
生生則為欲今無相法生所以者何無相法

空一悉無處所處所空故故曰為空其有欲令  
無滅無想無塵無瞋無所有生者則為欲令  
無相法生所以者何此諸事空空故曰空名  
号因緣言辭所處三十七品十種力四無畏  
十八不共諸佛之法四分別辯亦復如是是  
故須菩提摩訶衍者從三界生為無所生生  
薩芸若生亦無所生無有動處又須菩提所  
問在何所住者心無所住衍無有處所以者  
何無所住故一切諸法亦無所住又須菩提  
衍所作者住無所住其法界者亦無所住住  
無所住衍亦如是住無所住如上虛空無所  
由轉衍亦如是住無所住又譬如無生住無

所住衍亦如是住無所住譬如無滅無塵無  
瞋及無所有住無所住衍亦如是住無所住  
所以者何法界自然住無所以者何法  
界自然用自然故自然為空及與七空悉無  
所有自然為空空無所有故曰為空是故須  
菩提衍無所住住無所住故無動轉須菩提

所問從何所住而成衍者衍無所生所以者  
何無有從中生者無有甫當生者一切諸法  
悉無所有以此無故一切諸法亦復如是何  
所有法當有生者所以者何我人壽命亦復  
如是亦無有如亦無所見亦無所得本末清  
淨是故我人壽命如見法界悉不可得本末

悉空是故但薩阿竭悉不可得其本際者亦  
不可得本末悉淨是故諸界不可思議悉不  
可得本末清淨是故陰種諸入悉不可得本  
末清淨陰種諸入不可得故本末清淨六波  
羅蜜者悉不可得本末清淨是故七空亦不  
可得本末清淨意止意斷神足根力七覺八  
道三十七品十種力十卷四無所畏十八不共諸  
佛之法四分別辯亦不可得本末清淨須陀  
洹斯陀含阿那含阿羅漢辟支佛上至但薩  
阿竭阿羅訶三耶三佛悉不可得本末清淨  
三乘之法薩芸若慧不可得故本末清淨其  
無所有生悉不可得本末清淨無滅無塵無  
瞋無爭諸無所有及諸所有悉不可得本末  
清淨其過去當來今現在事生來所住至上

瞋無爭諸無所有及諸所有悉不可得本末  
清淨其過去當來今現在事往來所住住止  
所生悉不可得本末清淨所益所損悉不可  
得本末清淨誰當逮得不可得者其法界者  
亦不可逮無有得者所以者何欲逮法界則  
不可得若求阿羅漢辟支佛恒薩阿竭欲得  
此者悉不可得若有欲得三十七品十力無  
畏十八不共諸佛之法四分別辯者亦不可  
得無能逮者若有欲逮得阿耨多羅三耶三  
菩悉不可得本際悉空而不可得六波羅蜜  
及與七空亦復如是悉不可得其無所生亦  
無所滅無塵無瞋無所有者悉不可得所以

者何正真觀之悉無所有悉不可得其欲逮  
得第一住者亦不可得至于十住亦不可得  
本末清淨何所有第十住者其清淨觀者及  
種性八等所亦現地是所有地離欲之地所  
作辦地辟支佛地菩薩道地三耶三佛地及  
第一地悉不可得其七空者悉不可得計於  
內空<sup>淡</sup>上至十住<sup>七卷</sup>悉不可得七空<sup>五</sup>十住悉無所  
有悉不可得所以者何須菩提其第一住但  
名字耳為不可得上至十住亦復如是假有  
所得為不可得本末清淨而為衆生講說內  
空悉不可得一切衆生亦不可得而為衆生  
說七品空事所可說者悉不可得本末清淨

以內空故佛土清淨悉無所得七空自然自然空故佛土清淨悉不可得本末清淨是故內空及與五眼悉不可得皆無所有自然自然空爲其五眼悉無處所本末清淨是故須菩提菩薩摩訶薩於一切悉無所得則爲逮得成摩訶衍三跋致薩芸若慧

光讚般若波羅蜜經無去來山第二十

尔時賢者須菩提白佛言所言摩訶衍者其摩訶衍義之所趣唯天中天於天上人中世間而最爲尊莫不歸者衍與空等譬如虛空容覆無量阿僧祇人莫不戴仰唯天中天摩訶衍者亦復如是菩薩摩訶薩覆不可計阿僧祇人悉因得度摩訶衍者不見來時不見去時不見住處如是天中天摩訶衍者不得

僧祇人悉因得度摩訶衍者不見來時不見  
去時不見住處如是天中天摩訶衍者不得  
過去當來現在亦無中間見亦無所得其名  
等於三世故曰爲衍是故爲摩訶衍於是出  
尊告須菩提如是如是所謂摩訶衍者是爲  
菩薩摩訶薩六波羅蜜檀波羅蜜尸波羅蜜

羸波羅蜜惟逮波羅蜜禪波羅蜜般若波羅  
蜜是爲須菩提菩薩摩訶薩摩訶衍復次須  
菩提菩薩摩訶薩摩訶衍者謂一切諸陀羅  
尼門諸三昧門首楞嚴三昧取要言之空等  
三昧解脫三昧無著三昧寂滅三昧是謂菩  
薩摩訶薩摩訶衍復次須菩提菩薩摩訶薩

摩訶衍者曉了七空三十七品十力四無畏  
十八不共諸佛之法四分別辯是為菩薩摩  
訶薩摩訶衍也又須菩提所言摩訶衍者天  
上天下世間最上莫不歸仰者譬如須菩提  
欲界本無無本無等無有異不可分別無  
有顛倒誠諦自然久長堅固無有別離法無  
合無散淡未曾十卷所有是為摩訶衍六天上天下人  
中最尊莫不歸仰者假使須菩提劫盡燒時  
悉為現之教化一切今知無常無有長久無  
堅固者悉無所有是故摩訶衍天上天下世  
間最尊莫不歸仰者又須菩提欲界如是等  
無有異無有顛倒誠諦自然無本堅固無別

離法無有因緣其無所有終不所有是為摩訶衍天上天下最尊設使須菩提欲界有想無常顛倒而現破壞一切無常無有長久不可堅固別離之法悉無所有是故須菩提摩訶衍天上天下於無色界亦復如是設使須菩提諸色本無悉無所有亦復如是等亦無差別無有若干誠諦自然本無堅固無別離法其無有者不可今有是為摩訶衍天上天下最尊假使須菩提色有所念而應清淨而為顛倒悉今飽滿皆當無常無有久存不得堅固別離之法悉無所有是故摩訶衍色痛痒思想生死識亦復如是眼耳鼻口身心等

無有異眼色識耳聲識鼻香識口味識身更  
識意欲識等無有異悉無所有所可分別至  
誠真諦計有常者久長堅固是非摩訶衍用  
習六事心有想念因緣所習迷惑多求以自  
飽滿是一切法皆悉無常無有長存不可久  
固是故摩訶衍天上天下最尊設使須菩提  
法界所有悉無所有是為摩訶衍天上天下  
最尊固無所有生如須菩提法界所有悉無  
所有行無所有是故摩訶衍天上天下最尊  
設使須菩提恒薩阿竭現有所有悉無所有  
其真本際不可思議其界所有悉無所有是  
為摩訶衍天上天下最尊政使須菩提諸界

者不可思議其所有者悉無所有是故摩訶  
衍天上帝天下最尊設使須菩提六波羅蜜所  
有悉無所有亦復不無是為摩訶衍正使須  
菩提其內空者不有不無自然為空不有不  
無是為摩訶衍所以須菩提其內空者自然  
無有有了空者不有不無故曰摩訶衍設使  
須菩提三十七品十力無畏十八不共諸佛  
之法四分別辯不有不無亦不不無是為摩  
訶衍政使須菩提其種性法不有不無亦不  
不無用種姓法不有不無亦不不無是故摩  
訶衍政使須菩提其八等法不有不無須臾  
洎法斯陀舍法阿那舍法阿羅漢法辟支佛

法諸佛之法不有不無用不有不無亦不無  
無是故摩訶衍政使須菩提其八等法及與  
佛法不有不無亦不無無是故摩訶衍用須  
菩提其諸種性不有不無亦不無無用諸八  
等不有不無亦不無無須陀洹斯陀舍阿那  
舍阿羅漢辟支佛上至恒薩阿竭阿羅呵

耶三佛不有不無亦不無無是故摩訶衍須  
菩提欲知以諸八等恒薩阿竭阿羅訶三耶  
三佛不有不無亦不無無是故摩訶衍設使  
須菩提諸天人民阿須倫及與世間不有不  
無亦不無無以諸天人民阿須倫世間所有  
不有不無亦不無無是故摩訶衍假使須菩

提菩薩從初發意乃至道場坐於佛樹於中  
發心不有不無亦不無無如須菩提菩薩摩  
訶薩從初發意乃至道場於中發心一切不  
有不無亦不無無是故摩訶衍假使須菩提  
菩薩摩訶薩其智慧尊猶如金剛不有不無  
亦不無無是為菩薩摩訶薩曉了達見一切  
諸礙及衆塵勞得淡菩薩芸若十卷以須菩提菩薩摩  
訶薩了諸罣礙一切塵勞悉無所有逮薩芸  
若是故摩訶衍使須菩提怛薩阿竭阿羅  
呵三耶三佛其三十二大人之相不有不無  
亦不無無是故怛薩阿竭阿羅呵三耶三佛  
天上天下最尊威神聖德光明微妙靡所不

照無有疇匹是故怛薩阿竭阿羅訶三耶三  
佛威神巍巍聖德光明照於十方恒沙諸佛  
世界及諸天上天下諸天人諸阿須倫光  
明普遍用不有不無亦不無無是故怛薩阿  
竭阿羅訶三耶三佛光明照於十方恒沙世  
界又須菩提怛薩阿竭有八部之音不有不  
無亦不無無是故怛薩阿竭阿羅訶三耶三  
佛聲告十方於阿僧祇無量世界用怛薩阿  
竭其八部聲不有不無亦不無無是故有八  
種音聲告於十方不可思議無量世界又須  
菩提怛薩阿竭所轉法輪不有不無亦不無  
無是爲怛薩阿竭轉於法輪沙門婆羅門諸

梵天衆天上天下莫能當者皆令如法各得其所是故怛薩阿竭爲轉法輪沙門婆羅門天上天下及諸民人莫能當者又須菩提一切衆生不有不無亦不無無是故怛薩阿竭數轉法輪令諸衆生不至無餘於泥洹界又須菩提此諸衆生不有不無亦不無無悉了是已故淡怛薩阿竭十卷轉於法輪九是故衆生至無餘界於泥洹界而般泥洹

光讚般若波羅蜜經衍與空等品第二十一

佛告須菩提如汝所言衍與空等者所說至誠如是如是衍與空等譬如虛空不可計知東方里數南方西方北方四隅上下亦不可

知無遠無近無有邊際怛薩阿竭慧亦如是  
不可盡極八方上下無有邊際無有遠近慧  
不可盡譬如虛空無長無短無有方面無增  
無減怛薩阿竭慧亦如是無長無短不圓不  
方無增無減又須菩提譬如虛空無有五色  
青黃赤白衍亦如是又須菩提譬如虛空無  
有過去當來現在衍亦如是無去來今又須  
菩提譬如虛空無能增者無能減者衍亦如  
是不增不減故言衍與空等又須菩提譬如  
虛空無有塵勞無瞋恨無有生者亦無所滅  
亦無所住亦無不住亦無所念衍亦如是是  
故言衍與空等又須菩提譬如虛空無有善

惡無有三言辭亦無不言辭如虛空無見無聞  
無念無知行亦如是是故言行與空等又須  
菩提辟如虛空亦無有異亦無不異亦無所  
斷亦無所造證亦無所除行亦如是又須菩  
提辟如虛空無有欲法不離欲法無瞋恚法  
不離瞋恚無愚癡法不離愚癡行亦如是又

須菩提辟如虛空不與欲界合同不與色界  
及無色界合同亦不離三界行亦如是又須  
菩提辟如虛空無初發意從第一住亦如是  
無有十住又須菩提辟如虛空無有清濁無  
所觀見無有處所無種性地八人等地無示  
現地無我所地無所欲地無所作不作地行

亦如是又須菩提辟如虛空無須陀洹果無  
斯陀含果無阿那含果無阿羅漢果又須菩  
提辟如虛空無聲聞地無辟支佛地無三耶  
三佛地衍亦如是又須菩提辟如虛空無有  
形像亦無不像亦無有見亦不無見無受無  
捨無合無散衍亦如是又須菩提辟如虛空  
則無有常亦無不常無苦無樂無我不我行  
亦如是又須菩提辟如虛空亦無有空亦無  
不空無有異空無有思想亦無無想亦無有  
願亦無不願衍亦如是故言行與空等又須  
菩提辟如虛空無有寂然無不寂然無有惛  
怕亦無不怕又須菩提辟如虛空無有光明  
亦無闇冥衍亦如是又須菩提辟如虛空無  
所逮得亦無不得衍亦如是是故言行與空

亦無闇冥衍亦如是又須菩提辟如虛空無  
所逮得亦無不得衍亦如是是故言衍與空  
等又須菩提辟如虛空無言無說亦無不言  
衍亦如是是故言衍與空等是故須菩提虛  
空平等衍亦平等如須菩提所言辟如虛空  
無有邊際覆不可計阿僧祇人行亦如是安  
不可計阿僧祇人如是須菩提辟如虛空覆  
不可計阿僧祇人行亦如是護不可計阿僧  
祇人計人無人辟如虛空不可得有空以無  
有摩訶衍者亦復如是是故須菩提摩訶衍  
者安護無數阿僧祇人所以者何人與虛空  
及摩訶衍此一切法都不可得故復次須菩

提人不可計空亦不可計虛空亦不可計摩訶衍亦不可計是故摩訶衍覆護不可計阿僧祇人所以者何須菩提人與虛空及摩訶衍悉不可計悉不可得復次須菩提不可計是故摩訶衍覆護不可計阿僧祇人復次須菩提人無所有法界亦無所有一切諸法亦無所有故曰虛空亦無所有十卷人與虛空及摩訶衍悉無所有阿僧祇無所有無有量無所有無有底無所有是故摩訶衍覆護不可計阿僧祇人所以者何衆生法界及摩訶衍又阿僧祇不可限量無有崖底悉不可得故復次須菩提人無所有但薩阿竭亦無所有虛空

亦無所有摩訶衍亦無所有阿僧祇亦無所  
有不可計亦無所有無底亦無所有一切諸  
法亦無所有是故須菩提摩訶衍者爲不可  
計阿僧祇崖底人而設擁護所以者何怛薩  
阿竭虛空衆生及摩訶衍其阿僧祇不可計  
無有崖底悉不可得故復次須菩提吾我無  
所有所知所見亦無所有本際無所有當作  
是了本際以無至不可計及阿僧祇無央數  
者亦無所有以無所有一切諸法亦無所有  
是故摩訶衍名曰不可計阿僧祇覆護無央  
數人所以者何須菩提一切衆生所知所見  
及與本際至阿僧祇無央數不可計皆不可  
得復次須菩提吾我及人悉無所有所知所  
見亦無所有不可思議境界亦無所有色痛

得復次須菩提吾我及人悉無所有所知所  
見亦無所有不可思議境界亦無所有色痛  
痒思想生死識亦無所有虛空亦無所有摩  
訶衍亦無所有阿僧祇亦無所有不可計亦  
無所有無央數亦無所有一切諸法亦無所  
有是故摩訶衍為不可計阿僧祇人之覆護

所以者何如須菩提吾我諸法悉不可逮復  
次須菩提吾我及人悉為虛空所知所見亦  
復虛無眼亦虛無耳鼻舌身意亦復虛無以  
虛無虛空亦虛無空以虛無摩訶衍者亦復  
虛無以無二虛阿僧祇無央數不可計亦復  
虛無不可計以虛無一切諸法上復虛無是

故摩訶衍覆無央數不可計阿僧祇人所以  
者何須菩提吾我及人一切諸法悉不可得  
復次須菩提吾我無所有所知所見亦無所  
有所知所見以無所有檀波羅蜜亦無所有  
尸波羅蜜羼波羅蜜惟逮波羅蜜禪波羅蜜  
般若波羅蜜亦無所有般若波羅蜜以無所  
有淡虛空亦無所有十卷摩訶衍亦無所有是故摩  
訶衍覆護無央數不可計阿僧祇人所以者  
何須菩提吾我及壽一切諸法悉不可得故  
復次須菩提吾我及人則無所有世間所知  
內空外空近空遠空真空所有空無所有空  
亦無所有七空以無有虛空亦無所有摩訶

衍亦無所有無央數不可計阿僧祇亦無所  
有一切諸法亦無所有是故摩訶衍覆護不  
可計無央數阿僧祇人所以者何須菩提我  
人及壽一切諸法悉不可得故復次須菩提  
我人知見悉無所有意止意斷神足根力七  
覺八道三十七品亦無所有十力四無畏十  
八不共諸佛之法亦無所有虛空摩訶衍亦  
無所有是故摩訶衍覆護不可計無央數阿  
僧祇人所以者何吾我及人一切諸法悉不  
可得故復次須菩提我人知見悉無所有種  
姓諸法亦無所有所作之地以無所有虛空  
亦無所有摩訶衍亦無所有不可計阿僧祇

人一切諸法亦無所有是故摩訶衍覆護不  
可計無央數阿僧祇人復次須菩提我人知  
見亦無所有須陀洹斯陀含阿那含阿羅漢  
辟支佛亦無所有一切諸法亦無所有是故  
摩訶衍覆護不可計無央數阿僧祇人所以  
者何吾我及人一切諸法悉不可得復次須菩  
提淡十卷聲聞辟支佛上至怛薩阿竭亦無所有薩  
芸若亦無所有一切諸法亦無所有是故摩  
訶衍覆護不可計無央數阿僧祇人所以者  
何須菩提我人諸法悉不可得故又須菩提  
涅槃之界覆護不可計阿僧祇人行亦如是  
是故衍與空等覆護不可計阿僧祇人如須

菩提所問摩訶衍者亦不見來時亦不見去  
時亦不見住處衍亦如是所以者何一切諸  
法不可轉動是故無有住者無有來者亦無  
所住所以者何須菩提色痛痒思想生死識  
亦無所從來亦無所從去亦無所住須菩提  
色痛痒思想生死識亦清淨無所從來無所  
從去亦無所住色痛痒思想生死識者無不  
無所從來無所從去亦無所住色痛痒思想  
生死識自然無所從來無所從去亦無所住  
色痛痒思想生死識自然相無所從來無所  
從去亦無所住眼耳鼻口身意自然相者無  
所從來無所從去亦無所住其地水火風空  
是諸種者無有清淨亦無無本其自然者亦  
無地種自然相者無所從來無所從去亦無

是諸種者無有清淨亦無無本其自然者亦  
無地種自然相者無所從來無所從去亦無  
所住水火風種虛空識種亦復如是恒薩阿  
竭本無自然及自然相無所從來無所從去  
亦無所住須菩提本際清淨本際無本本原  
自然本自然相不可計議及清淨界者無所

從來無所從去亦不可得不可思議及與無  
本無所念界及與自然無思議界自然之相  
無所從來無所從去亦無所住須菩提六波  
羅蜜亦清淨般若波羅蜜亦無無本亦無自  
然自然之相無所從來無所從去亦無所住  
三十七品十力四無畏十八不共諸佛之法道

德清淨佛與正覺無所從來無所從去亦無  
所住其無所有及與無本其無為者不為自  
然其無為者無自然相無所從來無所從去  
亦無所住如須菩提所言摩訶衍者不得過  
去不得當來不得中間三世平等摩訶衍者  
但有字耳如是須菩提所言摩訶衍者無去  
來今三世平等摩訶衍者十四但有字耳所以者  
何須菩提過去亦空當來亦空現在亦空三  
世平等三世空等摩訶衍者亦復空等菩薩  
亦空其以空者無一無二無三無四不多不  
一是故名曰三世平等為摩訶衍菩薩功德  
巍巍無有等侶無正無邪亦不於欲亦不離

欲亦不瞋恚不離瞋恚亦不愚癡不離愚癡  
不得憍慢不離憍慢不得貪慳妬嫉亦無所  
離不得善法惡法不得有常無常不得苦樂  
不得我不我欲界色界無色界亦不可得不  
度欲界不度色界不度無色界所以者何不  
得自然過去色空當來色空現在色空痛痒  
思想生死識亦復如是色不可得用過去當  
來現在色空故不可得空故曰空空不可得  
何況念空有去來今痛痒思想生死識亦復  
如是又須菩提六波羅蜜不得過去不得當  
來不得現在須菩提六波羅蜜亦不可得三  
世平等故六波羅蜜爲不可得其平等者無

去來今用平等故復次須菩提其三十七品  
十力無畏十八不共諸佛之法亦不可得過  
去當來現在三世平等故三十七品十力四  
無畏諸佛之法亦不可得其平等者無去來  
今十力無畏十八不共諸佛之法無去來今  
以平等故故曰平等何況平等去來今三十  
七品十力無畏十八不共諸佛之法而可得  
乎復次須菩提過去當來現在凡夫亦不可  
得三世平等故故凡夫等所以者何推求人  
永不可得須陀洹斯陀含阿那含阿羅漢辟  
支佛菩薩恒薩阿竭亦不可得當來現在亦  
復如是三世平等故諸聲聞辟支佛菩薩恒

薩阿竭亦不可得推極人本不可得故如是  
須菩提故菩薩摩訶薩作是任般若波羅蜜  
覺了三世爲以具足薩芸若慧是爲菩薩摩  
訶薩爲摩訶衍三世平等菩薩摩訶薩以任  
是者天上天下世間最尊因得出生薩芸若  
慧須菩提白佛言善哉善哉唯天中天摩訶  
衍者是菩薩摩訶薩學此衍者過去菩薩摩  
訶薩亦因學是得薩芸若慧當來菩薩摩訶  
薩亦因是學得薩芸若慧今現在十方不可  
計無央數阿僧祇世界諸菩薩摩訶薩亦復  
學是摩訶衍得薩芸若慧是故天中天菩薩  
摩訶薩摩訶衍也佛告須菩提如是如是過

去當<sup>スル</sup>今現在怛薩阿竭阿羅呵三耶三佛  
悉學是法得薩芸若慧

十五紙

光讚般若波羅蜜經卷第十

淡



